

Tshaabxu Txwmxyoo

January – December 2019

1 Yauhaas 4:7-9 hastas, *“Cov phoojywg kws kuv hlub, peb ib leeg yuavtsum hlub ib leeg, rua qhov Vaajtswv yog tug kws ua rua peb txawj sis hlub. Tug kws muaj kev hlub, tug ntawd yog Vaajtswv mivnyuas hab nwg yeej paub Vaajtswv. Tug kws tsi muaj kev hlub, tug ntawd yeej tsi paub Vaajtswv, rua qhov Vaajtswv yog tug muaj kev hlub. Vaajtswv khaiiv Nwg tuableeg Tub lug rua huv nplajteb nuav, kuas peb cov kws ntseeg Nwg tug Tub tau txujsa tshab. Vaajtswv ua le ntawd, tub yog Vaajtswv qha rua peb hastas Nwg hlub peb.”* Vaajlugkub has ntau txug Vaajtswv txuj kev hlub. Kev hlub txhais tau hastas xaav kuas tau yaam zoo tshaaj rua ib tug tuabneeg twg, hab qhov zoo tshaaj ntawd yog yaam kws Vaajtswv xwb tim muab rua peb. Vaajtswv hlub peb, Nwg ua rua peb kws yog Nwg cov mivnyuas txawj sis hlub. Kuv ntseeg hastas Vaajtswv qha kuas peb cov kws yog Nwg mivnyuas lawd, moog hlub hab qha rua tug kws tsi tau muaj Vaajtswv txuj kev hlub kuas puab nov hab tau txais ib yaam le peb. Ca Vaajtswv txuj kev hlub nuav khu puab, hloov puab lub neej, tso puab dlim, hab coj puab rua lub neej nplua mag kws Vaajtswv muab rua puab tuab yaam nkaus le Nwg muab rua peb.

TSO DLIM yog KHN lub homphaj rua xyoo 2019. Tso Dlim lecaag? Peb yog tuabneeg txhum hab ua txuj kev txhum qhev. Txuj kev txhum muab peb khi. Ca peb moog rua ntawm Tswv Yexus hab moog nrhav txuj kev cawm dlim ntawm Nwg. Yauhaas 8:36 hastas, *“Yog leej Tub tso mej dlim, ces mej yeej yuav dlim tag tag le.”*

Peb qhuas hab ua Vaajtswv tsaug kws Tswv Yexus lug tuag sau tug ntoo khaublig tso peb dlim, hab coj peb lug ua Vaajtswv mivnyuas.

Tswvcuab hab dlejnum ntawm KHN:

1. Tswvcuab hab kev sis txoos uake ntawm cov pawg namtsev

Tswvcuab hab kev sis txoos	2017	2018	2019
Cov pawgntseeg ntawm HKM	121	123	123
Cov pawg namtsev ntawm KHN	88	90	88
Cov pawg namtsev tshaabxu rua KHN	77	87	71

Kwvyees cov tswvcuab ntawm cov pawg namtsev	5,863	5,772	6,005
Kwvyees cov namtsev moog koom kev sis txoos ntawm cov pawg namtsev	2,939	2,574	2,113
Cov namtsev txavtxim txais Yexus ua tug Cawmseej nyob rua ntawm cov pawg namtsev	256	165	80
Ib phaab dlejnum twg muaj sis ntsib pistsawg zag			
a. Sis Txoos Uake (Fellowship)	765	564	911
b. Cobqha Thwjt看 (Discipleship)	622	548	1,287
c. Tshaajtawm (Outreach)	372	328	414
d. Xaa Moo Zoo (Mission)	180	151	161
e. Thov Vaajtswv (Prayer)	843	779	828
f. Rooj txhawbsab hab lwm yaam			112
Taagrho uake ib lub xyoos	2,782	2,370	3,713

Kev txawv txaav ntawm cov pawg namtsev:

- a. Muaj 1 pawg namtsev tshab
 - New Life Hmong All. Church – Brookline/Springfield, MO
- b. Muaj 1 pawg namtsev kaw
 - Christian Fellowship – Wausau, WI
- c. Muaj 2 pawg namtsev tsi zwm rua KHN
 - 4-State Hmong Alliance Church - Stella, MO
 - Community Alliance Church - Sheboygan Falls, WI
- d. Muaj 3 pawgntseeg kaw
 - Crescent City Hmong Alliance Church – Crescent City, CA
 - Hmong American Harvest – Fresno, CA
 - Gospel Alliance Church – St. Paul, MN
- e. Muaj 30 pawgntseeg tsi muaj pawg namtsev

2. Rooj cobqha hab rooj txhawbsab

- a. Rooj cobqha “Luj Hlub hab Rhawv Kuas Lwm Tug Luj Hlub” (Grow & Invest Seminar)

Xyoo 2018 KHN muaj 4 lub rooj cobqha kws yog “Rhawv Kuas Muaj Thawjcoj” (Leadership Development) ntu ib. Xyoo 2019 KHN rov qaab muaj 6 lub rooj cobqha kws yog ntu ob lawvle nraag qaab nuav:

Nubtim	Nyob Rua	Cov Tuaj Koom
March 15-16, 2019	Seatac, WA	119
April 5-6, 2019	Providence, RI	70
May 24-25, 2019	Owassa, OK	79
October 11-12, 2019	St. Paul, MN	103
November 15-16, 2019	Anchorage, AK	52
November 22-23, 2019	Denver, CO	55
	Taagrho cov tuaj koom	478

Thov ua tsaug rua N. Kx. Tswv Txos Thoj kws siv nwg lub tswvyim, kev txawj hab sijhawm moog qha KHN cov rooj cobqha. Ua tsaug rua cov tsaavxwm KHN kws moog paab leeg dlejnum rua cov rooj cobqha.

Ua tsaug rua cov thawjcoj ntawm txhua pawg namtsev kws mej coj cov namtsev, cov ntxhais koom moog. Ua tsaug rua cov txivtsev, cov xwbfbw cov nam xwbfbw, hab cov thawjcoj ntawm cov pawgntseeg kws mej moog koom hab txhawb KHN.

Ua tsaug rua 6 pawgntseeg sau toj nuav rua mej txuj kev hlub hab txhawb KHN, mej muab lub tuamtsev rua KHN siv ua chaw cobqha cov namtsev.

- b. Rooj txhawbsab “Tuaj Ntawm Lub Qhov Tshij” (Come to The Well)
KHN muaj ob lub rooj txhawbsab kws yog COME Conference rua ob lub zog lawvle nraag qaab nuav:

Nubtim	Nyob Rua	Cov Tuaj Koom
April 26-27, 2019	Auburn, GA	142
August 16-17, 2019	Olathe, KS	180
	Taagrho cov tuaj koom	322

Thov ua tsaug rua N. Kx. Tswv Txos Thoj muab lug qhuabqha, N. Kx. Txawj Teeb Vaj, N. Kx. Txawj Teev Vaj, N. Nyaj Xyooj Yaj (Huab Xyooj Yaj), N. Nyaj Npis Hawj, hab Dluab Ntxoo Hawj siv mej txuj kev txawj hab sijhawm moog qha KHN cov ob lub rooj txhawbsab.

Ua tsaug rua cov thawjcoj ntawm cov pawg namtsev kws coj cov namtsev hab cov ntxhais koom moog.

Ua tsaug rua 2 pawgntseeg sau toj nuav rua mej txuj kev hlub kws mej muab lub tuamtsev rua KHN siv ua chaw txhawbsab rua cov namtsev.

3. Cov xaa moozoo cov mivnyuas (Third Culture Kids [TCK])

Yog ib txuj koobmoov zoo kws muaj ntau pawg namtsev txaus sab ua nam qhuav (sponsor) rua cov xaa moozoo cov mivnyuas lug ntawm kev thov Vaajtswv, muab khoom plig hab paab nyajtxag rua 5 tug mivnyuas lawvle nraag qaab nuav:

Mivnyuas Npe	Namtxiv Npe	Pawg Namtsev
Iris (Npauj Npaim) Hawj	Kx. & N. Kx. Nkaaj Ceeb Hawj	Hmong Alliance Church Merced, CA Portland Hmong All. Ch. Portland, OR
Selah Thoj	Xh. & N. Xh. Vam Tub Thoj	Victory Hmong All. Ch. Madison, WI Hmong Alliance Church Leola, PA
Abraham Thoj	Xh. & N. Xh. Vam Tub Thoj	Hmong New Hope All. Auburn, GA Pontiac Hmong All. Ch. Pontiac, MI
Tobias (Ywjpheej) Tsab	Xh. & N. Xh. Txawj Xeem Tsab	Hmong CMA Church Stockton, CA San Diego Hmong CMA San Diego, CA Hmong Family Comm Sacramento, CA

Ua tsaug rua 9 pawg namtsev sau toj nuav kws mej txaus sab faib mej txuj kev hlub rua cov xaa moozoo cov mivnyuas ua ntu zug. Thov Vaajtswv foom moov zoo rua mej suavdlawg.

4. Rooj saablaaj txwmxyoo

KHN rooj saablaaj txwmxyoo zag 36 nyob rua Overland Park, KS yog July 2-4, 2019. Cov tuaj koom muaj 166 leej (118 leej tuaj sawvcev hab 48 leej tuaj tshwjxeeb). Nyob rua huv lub rooj saablaaj muaj hu nkauj (concert), has dlejnum, kev kawm hab xaiv tsa.

Cov kev kawm yog:

- a. “Hlub Vaajtswv” lug ntawm Xh. Xeev Tuam Thoj
- b. “Txhawb HKM phaab xaa moozoo lecaag” lug ntawm Xf. Swm Xeeb Yaaj
- c. “Tso Dlim” lug ntawm Ana Cueva, tug lwm tsaavxwm ntawm KHNQS

Kev xaiv tsaa:

- a. Tug canyaj – Maab Khaab nyob Auburn, GA (2 lub xyos, 2020-2021)
- b. Tug media – N. Xh. Jerry Lauj nyob Lompoc, CA (2 lub xyos, 2020-2021)

HKM rooj saablaaj xaiv tau N. Ntxhi Pov Thoj nyob Kansas City, KS lug tuav lub meejmom thawj namtsev 2 lub xyos (2020-2021). Tsi taag le ntawd, N. Kx. Suav Yaj kws yog tug lwm tsaavxwm KHN su lub meejmom lwm tsaavxwm rua lub July 31, 2019. Lub rooj tsaavxwm KHN taw N. Kx. Ntsum Thaiv Vaaj nyob Merced, CA lug tuav lub meejmom lwm tsaavxwm 1 lub xyos kuas txug caij xaivtsaa.

KHN lub homphaj nyaj (budget) rua xyoo 2020 yog \$94,100.00

Dlua le ntawd, muaj kev tshaabxu txug KHNQS lub rooj saablaaj May 27-28, 2019 nyob rua Orlando, FL. KHNQS lub homphaj yog “Txuas Nrug Cov Namtsev/Quaspuj rua Vaajtswv Lub Tebchaws Kuas Tau” (Connecting Women for Kingdom Impact). Txuas rua cov namtsev/quaspuj huv lub zej zog hab thoob qaab ntuj, rua qhov txuj moozoo yog rua txhua tug tuabneeg hab hloov tau tuabneeg lub neej.

Kev hloov ntawm KHNQS:

- a. Lub **Npe** hloov ntawm Great Commission Women moog rua Alliance Women
- b. Kev **Xaivtsaa** yog taw (appoint) lawm xwb, tsi muaj xaivtsaa

5. Nyajtxag

KHN peev nyaj komtseg (budget) yog \$86,100.00, txhua yaam nyaj tau lug kws yog rua KHNQS hab Ruth Andrianoff scholarship (pass through) yog \$81,874.04. Txhua yaam nyaj siv tawm, xaa rua HKM (Ruth Andrianoff scholarship) hab rua KHNQS (pass through) yog \$88,648.95. Cov nyaj siv tshaaj yog \$6,774.87.

Komtseg	\$86,100.00	Tau lug txhua yaam	\$81,874.08
Tau lug	\$62,621.95	Siv tawm txhua yaam	\$88,648.95
Tsi ncaav homphaj	(\$23,478.05)	Siv tshaaj lub homphaj	(\$6,774.87)

** KHN cov nyaj xyoo 2019 tsi tau tshuaj, vim muaj qhov COVID-19.

6. Dlejnum lwm yaam

Ua Vaajtswv tsaug rua Nwg txuj moov hlub nrug KHN, KHN txhaj le ua tau dlejnum ua ntu zug xwsle:

Phaab Media:

KHN muaj ib qhov vaagsaab (website), Facebook hab YouTube qha txug dlejnum ntawm KHN, cov ntawv kws tej tug sau (blog) xwsle: namtsev, ntxhais, hab nam xwbfbw, nkauj hab lwm yaam txhawb cov vivncaug suavdlawg. Txawm yog tsi tau zoo hab tsi tau muaj ntau, los kuv ntseeg hastas yog ib qhov txhawb rua ib tsoom vivncaug nyob ntau qhov hab ntau lub tebchaws.

Kev thov Vaajtswv:

KHN muaj ib paab kaavxwm thov Vaajtswv 12 leeg. Paab nuav siv sijhawm thov Vaajtswv hab yoo mov thov Vaajtswv rua cov namtsev/vivncaug kws xaav kuas thov Vaajtswv rua, cov dlejnum ntawm KHN, txhua phaab dlejnum ntawm HKM, cov xwbfbw, cov thawjcoj, cov pawgntseeg, tej xwmtxheej hab lwm yaam yog 40 zag.

Phoo ntawm Keebkwm (history):

Xyoo 2018 kws HKM ua Koobtsheej 40 xyoo, KHN npaaj ua ib phoo ntawv txug KHN keebkwm hab yuav muab luam nrug HKM phoo uake. HKM tau muab teg num nuav ncu. Yog le ntawd, KHN npaaj hastas txawm yog HKM muab ncu lawm los KHN yuav npaaj kuas tau phoo ntawv nuav hab muab luam rua suavdlawg lub sijhawm rooj saablaaj txwmxyoo xyoo 2021.

Kuv ua Vaajtswv tsaug rua Nwg txuj kev hlub hab ncaajnceeg kws nrug nraim KHN ua ntu zug rua qhov Vaajtswv yog tug zoo txhua lub sijhawm. Yog Vaajtswv txuj moov hlub, pub lub tswvyim hab kev txawj, kuv hab cov tsaavxwm txhaj le ua tau Vaajtswv dlejnum ntau yaam. Thov kuas Vaajtswv ib leeg tau koobmeej.

Ua tsaug rua Kx. Tswv Txos Thoj, kws yog thawj tsaavxwm, cov tsaavxwm ntawm HKM kws mej txhawb hab qheb kev rua KHN txhaj le ua tau Vaajtswv dlejnum.

Ua tsaug rua cov xwbfbw, cov nam xwbfbw hab cov thawjcoj ntawm cov pawgntseeg kws mej suavdlawg txhawb KHN, txhawb cov namtsev ntawm pawgntseeg suavdlawg txhaj le ua tau Vaajtswv dlejnum rua qhov zoo.

Ua tsaug rua cov thawj namtsev nrug rua cov thawjcoj ntawm txhua pawg namtsev rua mej txuj kev hlub hab teg dlejnum zoo kws mej ua hab ua tau zoo heev. Ua ib tug thawj tsi yoojyim, tabsis mej suavdlawg ua sab ntev tiv txhua yaam coj kuas cov vivncaug huv mej pawgntseeg paub Vaajtswv hab luj hlub rua Vaajtswv.

Ua tsaug rua txhua tug namtsev/ntxhais (vivncaug) ntawm txhua pawg namtsev kws mej suavdlawg noog lug hab koomteg rua txhua yaam dlejnum cov thawjcoj hab KHN npaaj. Yog cov thawjcoj lossis KHN npaaj tau, los tsi muaj cov txhawb, moog koom hab koomteg, yaam dlejnum ntawd tsi tav hab tsi muaj qaabhau. Ua tsaug rua mej txuj kev thov Vaajtswv, paab nyajtxag, mej cov lug zoo hab cov lug txhawb, peb txhaj le kaaj sab hab muaj nyaj ua Vaajtswv dlejnum rua ntau phaab.

Ua tsaug rua txhua paab kaavxwm xwsle: Paab kaavxwm peevtxheej, kaavxwm thov Vaajtswv, kaavxwm keebkwm, N. Txawj Tshaj Vaj kws tug tshuaj nyaj. Yog muaj mej txhua tug ua dlejnum txhua phaab hab thov Vaajtswv, txhua yaam dlejnum txhaj le tav moog rua qhov zoo.

Ua tsaug rua cov tsaavxwm txhua tug ntawm KHN. Thov qhuas Vaajtswv kws Nwg coj peb suavdlawg lug ua dlejnum uake. Mej suavdlawg siv txuj kev txawj hab yaam koobmoov kws Vaajtswv pub rua mej lug nrug kuv ua dlejnum uake hab siv zug yaam tsi khauvwm mej lub zug hab tej nyajtxag. Txhua yaam nuav yog ib txuj koobmoov tshwjxeeb rua kuv hab KHN. Tsi taag le ntawd, ua tsaug rua kuv tug quasyawg kws yog Ntxhi Pov, wb cov mivnyuas, Kx. Ntsum Thaiv, Kx. Zoov Ntxhees, Kl. Txooj Vaj, Xh. Jerry, hab mej cov mivnyuas kev ua sab ntev, txhawb hab thov Vaajtswv, peb suavdlawg txhaj le qaab sab ua Vaajtswv dlejnum. Yog mej tsi txhawb, peb yuav ua tsi tau dlejnum hab cov dlejnum yuav tsi tav.

Lug ntawm txhua tug txuj kev hlub, paab nyajtxag, txhawb hab koomteg; txhua yaam txhaj le tav moog rua qhov zoo. Thov qhuas hab ua suavdlawg tsaug rua mej txuj kev hlub, kev totaub, hab ua sab ntev. Thov Vaajtswv pub kev nojqaab nyobzoo hab foom moov zoo rua suavdlawg.

Tso Dlim Lug Koomteg Ua Vaajtswv Dlejnum Uake Lawle Raug Hu,



N. Ntxhi Pov Thoj - Thawj Tsaavxwm KHN